

श्रीमद्-भगवद्-गीता

गीतायन

मङ्गलाचरण

ॐ कृष्णं वन्दे जगद्गुरुम्

कविवरवदनं पञ्चकरं यं, पितुरपि पूर्वं प्रणमन्ति बुधाः ।
गिरिपतितनयातनयं वन्दे, मृशतु वपुर्मे पञ्चमकरतः ॥ १
अभयकरं मम मूर्ध्नि निधेहि, प्रिय साङ्गुशपाशं करयुगलम् ।
मम दोषसमूहेऽज्ञानरिपौ, तव चरणच्छायाशयितस्य ॥ २
धृतकमलं त्वं करकमलं मम, निटिलतटे हे स्पर्शय भगवन् ।
मतिरतिविमला गीताभावं, विवरीतुमलं स्याल्लोकगिरा ॥ ३

‘माँ’ पद पहली बार उच्चार्या, था कदे जिस भासा का, थी वा ।
हरियाणी भासा, बोल जिसे, आज बण्या मैं पण्डत ग्यानी ॥ ४
उस भासा माँ की झोळी म्हैं, गीताब्याक्ख्या फूल चढ़ाऊँ ।
गीता-तत्त्व गन्ध सै इस कै, कण-कण मैं या रची बसी अति ॥ ५
गणपति भाई सँड उठा कै, सँघे इस नै, झूमै नाचै ।
छोट्टी-छोट्टी पर प्रेमभरी, लख नजराँ तैं मन मैं माच्चै ॥ ६
माँ तो सै या माँ ए मेरी, गन्दा-मन्दा अर सिणकू ।
लागूँ सँ मैं इस नै प्यारा, ठन्तर साल्लाँ तैं मैं देक्खूँ ॥ ७
जिद्वै तो माँ वा अर सूण्डू, गोद्दी तैं नाँ मन्ने तारैं ।
आगै बी वैं मन्ने न्युँ ए, खूब प्रेम तैं रोज दुलारैं ॥ ८
भूर, भुवः, सुवर् तीन पैड़ियाँ, ग्यान, करम की अर भगती की ।
इन पै चढ़ मैं भाज चढ़ूँगा, महर जनस् की तपस् सत्य की ॥ ९
पुरुषार्थ च्यार-सी ये च्यारूँ, फोक्कट मैं मन्ने मिल ज्याँ गी ।
किरपा माँ की इसिये हो सै, जो या पावै, वो ए जाणै ॥ १०
बाट देख हे थे सञ्जै की, आ जुध का हाल बतावैगा ।
आओ चाल्लाँ हास्तिनपुर मैं, राज्जा धितरास्टर जित बैट्टे ॥ ११
देख लड़ाई दस दिन ताई, कुरुछेत्तर तैं बाप्पस आए ।
सञ्जै नै न्युँ बोले राज्जा, दस दिन का न्युँ हाल पूछदे ॥ १२

अथ प्रथमोऽध्यायः

पहला अर्जन का बिसादयोग अब्द्व्याय

धृतराष्ट्र उवाच

धर्मक्षेत्रे कुरुक्षेत्रे, समवेता युयुत्सवः ।
मामकाः पाण्डवाश्चैव, किमकुर्वत संजय ॥ १

(धितरास्टर नै जुध का हाल पूच्छ्या)

धितरास्टर बोले

धरमभूमि कुरुछेत्तर मैं वैं, कट्टे होए लड़ना चाँहदे ।
मेरे अर पाण्डू के छोहे, के थे कर हे? कह रै सञ्जै ॥ १

संजय उवाच

दृष्ट्वा तु पाण्डवानीकं, व्यूढं दुर्योधनस्तदा ।
आचार्यमुपसङ्गम्य, राजा वचनमब्रवीत् ॥ २

(सञ्जै नै खबर बताणी सरू करी)

सञ्जै बोल्या

देख कैँ पाण्डुवाँ की सैना, ब्यूह रचाई दुर्योधन तद ।
आचार्य द्रोण कै धोरै जा, राजा नै या बात कही थी ॥ २

(दुर्योधन उवाच^१)

पश्यैतां पाण्डुपुत्राणामाचार्य महतीं चमूम् ।
व्यूढां द्रुपदपुत्रेण, तव शिष्येण धीमता ॥ ३

१ कुलछेत्तर मैं जुध था होणा, हास्तिनपुर मैं धितरास्टर नै ।
उस का हाल सुणावण खात्तर, कौरू पाण्डू दोन्नों नै ए ॥
करी व्यवस्था, ब्यास बिचोळी, सञ्जै ताई अधिकार दिये ।
घूम-घूम कैँ मोर्च्या पै जा, संवाद देणिये थे सञ्जै ॥
आ रजधानी धितरास्टर नै, आँख्याँ देख्या हाल सुणावै ।
सारथि जो थे धितरास्टर के, पाठक जाणै देख ‘नीम’ मैं ॥

(दुर्योधन नै द्रोण तँ फौज्जाँ की स्थिति समझाई)

देक्खो इस पाण्डूपुतराँ की, आचार्य्य बडी सी सैना नै।
व्यूह रचा कैँ खड़ी करी या, राज्जा दुर्पद कैँ बेट्टै अर।
थाहे अति चात्तर चैल्लै नै॥ ३

अत्र शूरा महेष्वासा, भीमार्जुनसमा युधि।
युयुधानो विराटश्च, द्रुपदश्च महारथः॥ ४

(पाण्डुवाँ के खास जोधे)

उरै बीर सँ महाधनुर्धर, भीम'र अर्जन-से ये जुध मैँ।
खूब लड़ाक्का वीर सात्यकी, विराट इत सै ओर द्रुपद बी॥
महारथी, रथ बैठ लड़णियाँ॥ ४

धृष्टकेतुश्चेकितानः, काशिराजश्च वीर्यवान्।
पुरुजित् कुन्तिभोजश्च, शैव्यश्च नरपुङ्गवः॥ ५

ध्रिस्टकेतु सै खूब समझदा, युद्धकला का जाणनियाँ सै।
काशिराज अर तगड़ा जोधा, भोत जीतदा कुन्तिभोज सै।
सिबियाँ का राज्जा बी इत सै, मर्दाना यो खागगड़-सा सै॥ ५

युधामन्युश्च विक्रान्त, उत्तमौजाश्च वीर्यवान्।
सौभद्रो द्रौपदेयाश्च, सर्व एव महारथाः॥ ६

युधामन्यु सै भोत विक्रमी, ओर उत्तमोजा भोत बली।
पुत्र सुभद्रा का अभिमन्यू, ओर द्रोपती के बेट्टे इत सँ।
सारे ए ये महारथी सँ॥ ६

अस्माकं तु विशिष्टा ये, तान्निबोध द्विजोत्तम।
नायका मम सैन्यस्य, संज्ञार्थं तान् ब्रवीमि ते॥ ७

(म्हारी सैना के जोधे)

म्हारे तो सँ खास बीर जो, उन नै जाण द्विजाँ मैँ उत्तम।

सैनानी मेरी सैना के, जाण उन्हाँ नै, तत्रै बोल्लै॥ ७

भवान् भीमश्च कर्णश्च, कृपश्च समितिंजयः।

अश्वत्थामा विकर्णश्च, सौमदत्तिस्तथैव च॥ ८

आप'र भीसम करण'र क्रिप सँ, जुध नै जो जीत्तण आळा।
अस्वत्थामा, बिकरण बी सँ, सोमदत्त का बेट्टा न्यूँ ए॥ ८

अन्ये च बहवः शूरा, मदर्थे त्यक्तजीविताः।

नानाशस्त्रप्रहरणाः, सर्वे युद्धविशारदाः॥ ९

ओर भोत सँ वीर बहादर, मेरी खात्तर ज्यान देणिये।
तहाँ-तहाँ के हथियाराँ तँ, लड़णाळे सँ सब रणचातर॥ ९

अपर्याप्तं तदस्माकं, बलं भीष्माभिरक्षितम्।

पर्याप्तं त्विदमेतेषां, बलं भीष्माभिरक्षितम्॥ १०

(दोत्रूँ फौज्जाँ की तुलना)

कूत्ती नाँ जा म्हारी सैना, भीसम जी सँ जिस के रक्षक।
गिणी-मिणी तो इन की सैना, भीम बण्या सै जिस का रक्षक॥ १०

अयनेषु च सर्वेषु, यथाभागमवस्थिताः।

भीष्ममेवाभिरक्षन्तु, भवन्तः सर्व एव हि॥ ११

(हुकम द्रोण नै दुर्योधन का)

सब मोच्याँ पै निज हिस्स्याँ मैँ, डटे खड़े थम सारे जोधे।
भीसम की ए पूरी तहियाँ, करो रुखाळी आप सबँ मिल॥ ११

तस्य संजनयन् हर्षं, कुरुवृद्धः पितामहः।

सिंहनादं विनद्यौच्चैः, शङ्खं दध्मौ प्रतापवान्॥ १२

(भीसम जी नै सङ्ख बजाया)

उस कैँ उत्पन करदे खुसियाँ, कुरुकुल मैँ बूड्डै परतापी।
दादा जी नै सेर-सरीखी, धाड़ मार कैँ सङ्ख बजाया॥ १२

ततः शङ्खाश्च भेर्यश्च, पणवानकगोमुखाः।
सहसैवाभ्यहन्यन्त, स शब्दस्तुमुलोऽभवत् ॥ १३

(मारू बाज्जै बाज्जण लागे)

उस कै पाच्छै सङ्ख, भेरियाँ, पणव, नगाड़े, आनक, गोमुख।
जोर-जोर तैं बाज्जण लागे, वो सोर घणा उन का माच्या ॥ १३

ततः श्वेतैर्हयैर्युक्ते, महति स्यन्दने स्थितौ।
माधवः पाण्डवश्चैव, दिव्यौ शङ्खौ प्रदध्मतुः ॥ १४

(पाण्डुसैणा नै सङ्ख बजाए)

पाच्छै, धोळे घोड़्याँ आळै, बडै अरथ में बैट्टे दोन्नूँ।
मधु राच्छस नै मारणियै नै, अर पाण्डू कै सुत अर्जन नै।
अजब-गजब दो सङ्ख बजाए ॥ १४

पाञ्चजन्यं हृषीकेशो, देवदत्तं धनंजयः।
पौण्ड्रं दध्मौ महाशङ्खं, भीमकर्मा वृकोदरः ॥ १५

पाञ्चजन्य था हृषीकेश नै, देवदत्त था धन जीत्तणियै।
अर्जन नै बी सङ्ख बजाया, पौण्ड्र बजाया बड़ा सङ्ख था ॥
कर्म डराँदे करणै आळै, काच्चा-पाक्का करड़ा-मान्दा।
सबै पचावै जिसा भेडिया, उसे तहाँ कै भीमसैन नै ॥ १५

अनन्तविजयं राजा, कुन्तीपुत्रो युधिष्ठिरः।
नकुलः सहदेवश्च, सुघोषमणिपुष्पकौ ॥ १६

अनन्तविजै था कुन्ती कै सुत, राज्जा जी नै सङ्ख बजाया।
सुघोस नकुळ नै अर मणिपुष्पक, सहदेव नै बी था बजाया ॥ १६

काश्यश्च परमेष्वासः, शिखण्डी च महारथः।
धृष्टद्युम्नो विराटश्च, सात्यकिश्चापराजितः ॥ १७

बड़े धनुर्धर काशिराज नै, ओर सिखण्डी महारथी नै।
ध्रिस्टद्युमन अर विराट नै बी, सात्यकि जो नाँ हार्या, उस नै ॥ १७

द्रुपदो द्रौपदेयाश्च, सर्वशः पृथिवीपते।
सौभद्रश्च महाबाहुः, शङ्खान् दध्मुः पृथक् पृथक् ॥ १८

द्रुपद, द्रोपती के बेट्ट्याँ नै, सबै तरफ तैं हे राज्जा जी।
बड़ी भुजा आळै अभिमन्यू, पुत्र सुभद्रा का जो, उस नै।
सङ्ख बजाए न्यारे-न्यारे ॥ १८

स घोषो धार्तराष्ट्राणां, हृदयानि व्यदारयत्।
नभश्च पृथिवीं चैव, तुमुलो व्यनुनादयन् ॥ १९

(कोरू सैणा पै असर पडूया के)

उस सङ्खनाद नै हिरदै, धितरास्त्रसुताँ के पाड़ दिये।
अम्बर अर धरती नै भीसण, नाद रह्या जो खूब गुँजादा ॥ १९

अथ व्यवस्थितान् दृष्ट्वा, धार्तराष्ट्रान् कपिध्वजः।
प्रवृत्ते शस्त्रसम्पाते, धनुरुद्यम्य पाण्डवः ॥ २०

(कोरूसैणा नै लख, अर्जन किरसण तैं बोल्ल्या)

व्यूह बणाए खड़े देख कैँ, धितराष्ट्रसुताँ नै अर्जन था।
अस्त्र चलाणै की जिब त्यारी, धनुस् उठा कैँ पाण्डू का सुत ॥ २०

हृषीकेशं तदा वाक्यमिदमाह महीपते।
राज्जाजी, तद किरसण ताईँ, या बात कही अर्जन नै थी।

अर्जुन उवाच

सेनयोरुभयोर्मध्ये रथं स्थापय मेऽच्युत ॥ २१

अर्जन बोल्ल्या

दोन्नूँ फोज्जाँ कै तैं बीच्चूँ, अरथ खड्या कर, मेरा किरसण ॥ २१

यावदेतान्निरीक्षेऽहं, योद्धुकामानवस्थितान्।
कैर्मया सह योद्धव्यमस्मिन् रणसमुद्यमे ॥ २२

जो इन नै देखूँ मैं जो ये, लड़ना चाँहदे खड़े उरै सैं।
किन तैं मत्रै लड़ना इत सै, लड़नै की इब इस त्यारी मैं ॥ २२

योत्स्यमानानवेक्षेऽहं, य एतेऽत्र समागताः।

धार्तराष्ट्रस्य दुर्बुद्धेर्युद्धे प्रियचिकीर्षवः॥ २३

ईब लड़णिये इन नै देक्खूँ, जो ये इत सैं आए सारे।
खोट्टी सोच-समझ आळै इस, धितरास्टरसुत दुर्योधन का।
जुध मैं प्रिय जो करणा चाहैं॥ २३

संजय उवाच

एवमुक्तो हृषीकेशो, गुडकेशेन भारत।
सेनयोरुभयोर्मध्ये, स्थापयित्वा रथोत्तमम्॥ २४

सञ्जै बोल्ल्या

(किरसण अर्जन तैं बोल्ल्या)

न्यूँ बोल्ल्या किरसण ती अर्जन, भरतवंस के हे धितरास्टर।
दोत्रूँ सैना बीच खड्ग्या कर, अरथाँ मैं बढिया आण्णा रथ॥ २४

भीष्मद्रोणप्रमुखतः, सर्वेषां च महीक्षिताम्।

उवाच पार्थ पश्यैतान् समवेतान् कुरुनिति॥ २५

भीसम, द्रोण गुरू कै स्याम्हीं, सारे राज्याँ कै बी स्याम्हीं।
बोल्ल्या किरसण अर्जन, देक्खो, इन कट्टे होए कुरुआँ नैं॥ २५

तत्रापश्यत् स्थितान् पार्थः, पितृनथ पितामहान्।

आचार्यान् मातुलान् भ्रातृन्, पुत्रान् पौत्रान् सखींस्तथा॥ २६

(उत देक्खे उस नै आण्णै सारै)

उठै देक्खे खडे अर्जन नै, दोत्रूँ फौज्जाँ के ए जो थे।
बाप्पू, तारू, चाच्चे, फूपफे, दाद्दे, नान्ने और गुरू जी।
माम्मे, भाई, बेट्टे, पोत्ते, मित्तर, सुख-दुख कहणै आळे॥ २६

श्वशुरान् सुहृदश्चैव, सेनयोरुभयोरपि।

तान् समीक्ष्य स कौन्तैयः, सर्वान् बन्धूनवस्थितान्॥ २७

सुसरे, उस का भला चाण्हिये, दोत्रूँ ए उन फौज्जाँ मैं वो।
देख उठै उन सारे आण्णे, बन्धू रिस्तेदारौँ नै स्थित॥ २७

कृपया परयाविष्टो विषीदन्निदमब्रवीत्।

(दया भाव तैं दुखिया अर्जन बोल्ल्या)

कुन्ती का सुत दया घणी तैं, भर्या दुखी होन्दा न्यूँ बोल्ल्या।

अर्जुन उवाच^१

दृष्ट्वेमं स्वजनं कृष्ण, युयुत्सुं समुपस्थितम्॥ २८

अर्जन बोल्ल्या

देख कैँ इन किसना, आण्णे, लड़ना चाँह्दे आद्दमियाँ नैं॥ २८

सीदन्ति मम गात्राणि, मुखं च परिशुष्यति।

वेपथुश्च शरीरे मे, रोमहर्षश्च जायते॥ २९

ढील्ले पड़गे मेरे अँग-अँग, मुँह बी पूरा जा सैं सूक्या।
धूज्जण लाग्गी देही मेरी, खडे रूँगटे हो हे ये सैं॥ २९

गाण्डीवं संसते हस्तात् त्वक् चैव परिदह्यते।

न च शक्नोम्यवस्थातुं, भ्रमतीव च मे मनः॥ ३०

गाण्डीव पड़ ह्या हाथ तैं सैं, खाल जळै सैं ओर घणी या।
ओर खड्ग्या मैं रह नाँ पान्दा, चक्कर-सा खा मेरा मन बी॥ ३०

निमित्तानि च पश्यामि, विपरीतानि केशव।

न च श्रेयोऽनुपश्यामि, हत्वा स्वजनमाहवे॥ ३१

सोण देखदा उल्लटे किरसण, ओर भला नाँ देक्खूँ मैं सूँ।
मार जुद्ध मैं आपणे माणस॥ ३१

न काङ्क्षे विजयं कृष्ण, न च राज्यं सुखानि च।

किं नो राज्येन गोविन्द, किं भोगैर्जीवितेन वा॥ ३२

नाँ मैं चाहूँ जीत किसन सूँ, नाँ ए राज, सुखाँ नै बी नाँ।
के मिल ज्या गा हमें राज तैं?, गोबिन्द, के भोग्गाँ तैं होगा?

जीणै तैं ए या के होगा?॥ ३२

१. स्लोकै मैं सैं 'बोल्ल्या' बोल्ल्या, नहीं जरूरी इत यो कहणा।

येषामर्थे काङ्क्षितं नो, राज्यं भोगाः सुखानि च।

त इमेऽवस्थिता युद्धे, प्राणांस्त्यक्त्वा धनानि च॥ ३३

जिन की खात्तर चाव्हॉ हम साँ, राजपाट अर भोग, सुखाँ नै।

वँ ये सारे खड़े युद्ध में, ज्यान छोड़ कँ ओर धनाँ नै॥ ३३

आचार्याः पितरः पुत्रास्तथैव च पितामहाः।

मातुलाः श्वशुराः पौत्राः, श्यालाः सम्बन्धिनस्तथा॥ ३४

चाल-चलण की सीख देणिये, विद्या देणाळे आचारज।

जलम देणियाँ की पीड्डी के, तारु, चाच्चे, बाप उरै सँ।

बेट्टे, पोत्ते, दादे, माम्मे, सुसरे, साळे, समधी बी सँ॥ ३४

एतान्न हन्तुमिच्छामि, घृतोऽपि मधुसूदन।

अपि त्रैलोक्यराज्यस्य, हेतोः किं नु महीकृते॥ ३५

इन नै नाँ मार्या चाहूँ, मारँ मत्रै, तो बी किरसण।

तीन लोक का राज मिल्यँ बी, फेर भला के धरती खात्तर?॥ ३५

निहत्य धार्तराष्ट्रान्नः, का प्रीतिः स्याज्जनार्दन।

पापमेवाश्रयेदस्मान्, हत्वैतानाततायिनः॥ ३६

मार गिरा कँ धितररास्टरक्याँ नै, हाम् नै कोण खुसी होवै गी?

पापुँ लागुँ हाम् नै ये सब, मार जुद्ध में ये अन्न्याई।

अन्न्याई ये नरकाँ जोगुँ, जुध में मर सुरगाँ में जाँगै।

हाम्मै होंगे पाप्पी इन नै, मार सुरग में भेज्जण आळे॥ ३६

तस्मान्नार्हा वयं हन्तुं, धार्तराष्ट्रान् स्वबान्धवान्।

स्वजनं हि कथं हत्वा, सुखिनः स्याम माधव॥ ३७

(लड़नै में सै भोत बुराई)

ठीक नहीं हम इन नै मारँ, बन्धुसहित धितररास्टरक्याँ नै।

सँ ये भाई-बन्धु आप्णे, आप्णे माणस मार सुखी हम।

होवाँ किस तहियाँ? बोल किसन ॥ ३७

यद्यप्येते न पश्यन्ति, लोभोपहतचेतसः।

कुलक्षयकृतं दोषं, मित्रद्रोहे च पातकम्॥ ३८

ठीक सै, ये नहीं समझदे, लालच नै इन की मत मारी।

कुलनास करदा जो बुराई, मित्र हितैसी, प्यार्याँ ताँई।

बुरा करण मैं पाप न जाणँ॥ ३८

कथं न ज्ञेयमस्माभिः, पापादस्मान्निवर्तितुम्।

कुलक्षयकृतं दोषं, प्रपश्यद्भिर्जनार्दन॥ ३९

(युध नाँ हाम् नै करणा चाहिये)

क्यूँ नाँ चाहिये जो हम जाणाँ, इसै पाप तँ बचणा केसव।

कुळ कै नास मैं बुराई नै, देख्खाँ समझाँ भली तह्वाँ साँ॥ ३९

कुलक्षये प्रणश्यन्ति, कुलधर्माः सनातनाः।

धर्मे नष्टे कुलं कृत्स्नमधर्मोऽभिभवत्युत॥ ४०

(युध तँ होणी घोर बुराई)

कुळ का नास जिबँ हो सै तद, टूटँ कुळ की रीत पुराणी।

रीत टूटदे सारै कुळ नै, अधरम काळू मैं कर ले सै॥ ४०

अधर्माभिभवात्कृष्ण, प्रदुष्यन्ति कुलस्त्रियः।

स्त्रीषु दुष्टासु वाष्ण्ये, जायते वर्णसङ्करः॥ ४१

अधरम दाळू कुळ नै जिब सै, किरसण, बिगडै कुळ की नारी।

कुळनार बिगडदँ किरसण, हों, नाजायज औलाद कुळ मैं।

वरणधरम सब गड़बड़ होवँ, सन्तानाँ मैं ये सब बिगडँ॥ ४१

सङ्करो नरकायैव, कुलघ्नानां कुलस्य च।

पतन्ति पितरो ह्येषां, लुप्तपिण्डोदकक्रियाः॥ ४२

इन नाजायज औलादाँ मैं, वरणधरम का घाळमेळ वो।

सिरफ नरक मैं ले ज्या गा, कुळ कै घात्ती नै अर कुळ नै।

गिरँ नरक मैं इन के पुरखे, तर्पण साध न हौवँ जिन के॥ ४२

दोषैरैतैः कुलघ्नानां, वर्णसङ्करकारकैः।

उत्साद्यन्ते जातिधर्माः, कुलधर्माश्च शाश्वताः॥ ४३

कुळ के घात्ती लोग्गाँ के, वर्णाँ नै भ्रस्ट करण आळे।

इन दोस्साँ तँ बिगड़ैँ टूटैँ, जातसुभावी ओर कुळाँ के।

धरम कदे तँ चाल्ले आए॥ ४३

उत्सन्नकुलधर्माणां, मनुष्याणां जनार्दन।

नरकेऽनियतं वासो, भवतीत्यनुशुश्रुम॥ ४४

टूट्टी कुळमर्यादा आळे, लोग्गाँ का किरसण, नरकाँ मैँ।

बास सुनिस्चित हौवै, या हम्, सुणदे आए सदा-सदा तँ॥ ४४

अहो बत महत्पापं, कर्तुं व्यवसिता वयम्।

यद्राज्यसुखलोभेन, हन्तुं स्वजनमुद्यताः॥ ४५

(भोत गलत हाम् कर हे इब साँ)

बुरी बात सै, बड़ा पाप हम, करणै खात्तर त्यार खड़े साँ।

जो राज 'र सुख कै लालच तँ, मारण आप्णयाँ नै त्यार खड़े॥ ४५

यदि मामप्रतीकारमशस्त्रं शस्त्रपाणयः।

धार्तराष्ट्रा रणे हन्युस्तन्मे क्षेमतरं भवेत्॥ ४६

(मत्रै मारैँ, तो बी आच्छा)

ध्रितरास्टरसुत सस्त्र हाथ ले, युध मैँ मारैँ मत्रै, अर मैँ।

करूँ न सामना हो निहत्था, इस तँ मेरा भोत भला हो॥ ४६

संजय उवाच

एवमुक्त्वार्जुनः संख्ये, रथोपस्थ उपाविशत्।

विसृज्य सशरं चापं, शोकसंविग्रमानसः॥ ४७

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे

श्रीकृष्णार्जुनसंवादेऽर्जुनविषादयोगो नाम प्रथमोध्यायः॥ १॥

सञ्जै बोळ्या

(गेर धनुस जा पाच्छै बैट्ट्या)

न्यूँ कह अर्जन रणछेत्तर मैँ, रथ मैँ पाच्छै नै जा बैट्ट्या।

बाणाँ सँग वो गेर धनुस नै, हो दुख मैँ गारत मन आळा॥ ४७

स्रीमती सीतादेब्बी अर स्रीस्रीनिवास सास्तरी कै बैट्टै सिवनारायण

सास्तरी कै हरियाणी भास्सा कै गीतायन काब्ब्यभास्स्य मैँ

पहला अध्याय पूरा होया॥ १॥